



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XLVII. Omnes gentes plaudite manibus.

urn:nbn:de:hbz:466:1-44993

- 34 PSALMORVM
- 6 Hanc, dum fouentis presidio DEI
 Instructa constat, nil moueat loco;
 Succurret huic PRINCEPS in ipse
 Manè citò properans periculis.
- 7 Percussa magnis regna tumultibus
 Nutent ruentum murmure gentium,
 Et voce concursus tremenda
 Dispereat liquefacta tellus.
- 8 IAS potentis numine vindicis
 Nostrum tuetur perpetuò genus;
 PRINCEPSQUE IACOBO est patronus,
 Arx valida, edita & vsque nobis.
- 9 Venite, gesta exemplaue cernite
 IAE, valentis vertere funditus
 Terras, & extinxisse toto
 Bella nimis furiosa in orbe.
- 10 Arcum refringet, frustraue lanceæ
 Discindet; atris ignibus & citas
 Vret quadrigas. ergo noto
 Cedite Numini & efficaci.
- 11 Gentes per omneis, (quippe ego sum DEVS)
 Terrasque tollar; vitibus & potens,
- 12 Atque vltor IAS ille Iacob
 Arx valida est Deus VSQUE nobis.

PSALMVS XLVII.

Omnes gentes plaudite manibus.

DIVINAE TUTELE PRAEDICATIO.

Ad præstantem filiis Corei Psalmus.

Carmen Dicton Distrophon.

- 3 **P**lausu omnes populi vndique
 Acclamate Deo, ac vocibus affoniss
- 3 Terris nam' omnibus imperat
 IAS terribilis, maximus & potens;
- 4 Nostris qui pedibus dabit
 Deductos populos regnaue legibus.
- 5 Nobis seposuit bona
 Sortis perpetuæ dona benignior;
- 6 Excelsum Isacidae decus,
 Quodque ipse vsque fouens auctor amaueret,
 Exceptus

- Excepit litui ac tubæ
 Mixto IAS fonitu prominuit Deus.
 7 Nostrum psallite PRINCIPEM
 Ac Regem canite hunc, psallite, psallite:
 8 Omnes nam imperio regit
 Terras ipse DEVS, psallite doctius.
 9 Rex hic gentibus est DEVS,
 Et sanctum solium sede tenet Deus.
 10 Famosi in populis duces
 Addunt se socios ad populum DEI;
 Cui se prouidus Abraham
 Permittens retulit nomen. honestius:
 Cuncti nam proceres viri
 Terras qui clypeis cunque tegunt suis,
 Agnoscunt Dominam DEVM,
 Atque alto solide numine PRINCIPEM.

PSALMVS XLVIII.

Magnus Dominus & laudabilis nimis.

ECCLESIAE BEATITAS.

Canticum Psalmi filiorum Corei.

Carmen Sapphicum.

- 1 **M**Aximis magnus celebratur IAS
 Laudibus celsæ moderator arcis,
 Monte quo se iam solido probauit
 Numine sanctum.
 2 Mons Sion tractu celebris nitenti, est
 Omnibus terris decor & voluptas,
 Regis vrbs magni hæc sedet, atque opacam
 Spectat in arcton.
 3 Arcibus cuius DEVS ipse notus
 Tutor ac præses: sociata in vnum
 4 Quam manus regum petiit minantum
 Præteritque.
 5 Hanc simul visam obstupere, mente
 Perdita, & cursu properante cæci; ac
 6 Impotes, valde doluere, vt ipso
 Femina partu.
 7 Euris & quantus rapidis procellis
 Punicas frangit pelago carinas;
 Quæ patres nobis retulere in IAE
 Vidimus vrbe:

F 3

9 Vrbe.